



# Sierninger Tanzherrnrud

Geburtstagsgstanzl (5.11.2021)



für Rudenkomitee Obmann Engelbert Hundsberger

<p>Mia song grias Gott-mit ruhign Gwissn  Auf Corona - wird gschissn  da Rudn- Obmann wird heit gfeiert  Do wird ned – umageiert  Trong koa Maskn – zan Gwaund  Singan Gstanzl - gaunz entspannt  Haum vor Wochan - unvadrossn  in Baby – Elefant daschossn</p>	<p>Da Bertl hot – ois Mau von Wöd  an murdsdrum Fuahrpark - um vü Göd  Mercedes - S Klass, Cabrio  Und an Porsche sowieso  Wauns daun siachst - wiar a foahrt  Moanst das er ban Treibstoff spoart  schleicht gemähchlich durch Siarng  Bis Muckn gegn die Heckscheibn fliang</p>
<p>Waun da Bert a Fest spendiert  San die Dirndl motiviert  Etlä Wochn - dans trainiern  Bein und Po woins präsentiert  Menscha – dearfts - ned vazogn  Waun d´Corona-Kilo plogn  Bei die Hunds is - gült des Thema  Je mehr Gwicht - desto schena</p>	<p>Mauncha Sechzga is frustriert  Wauns ban klo geh - recht pressiert  Nur ban Bert - merkt ma glei  Trawig haum - is net des sei  Wo a aundra rennad wiard  Geht da Bert mit ruhigen Schriat  Bis a daun am Häusl sitzt  Hot a längst ois aussagschwitzt</p>
<p>Zan Fufzga haums scho spekuliert  Wos min Bert jetzt ois passiert  Gengan eam vielleicht - oh Graus  Seine Sex-Hormone aus  Und sei Sylvia - ned dumm  Schaut si noch am Callboy um  Zehn Joahr späta siacht ma glei  Er is mit sechzg nu live dabei</p>	<p>Da Engelbert, kimmt uns fia  Trinkt ois liaba - wia a Bier  Dabei hot er scho ois Buab  Fassl gwochn in Mühlgruab  Die haum furchtboa greisli gstunga  hot seitdem koa Bier ned trunga  warad fast am Durscht vareckt  hät a ned den Wein entdeckt</p>
<p>Bei die Weiba schwingt da Bert  Wie ma woas-a schoarfes Schwert  Nebn seiner Sylvia  Hot a nu zwoa aundre a  Unsa oans - fiacht scho glei  Die wearn eam auf Dauer z´steu  Gotts sei Daunk sans a scho oid  Sonst hättn scho da Teufi ghoit</p>	<p>Ois Mandatar der ÖVP  Is da Bert a Koryphä  meistens ehrlich, sötn glogn  oftmals grod - fost nia vabogn  er schreibt koane blödn Chat  wauns wos gibt - daun wird gred  Hot nia aungstroaft bei die Grfiesa  Er is a Schwarzza – koa türkisa</p>
<p>Zan Schluss sogt Taunzherrnrud aus Siarng  Richts euch zaum - zan applaudiern  wauns auf spod recht lusti wird  sing ma euch nu gern a Liad  feiert durch - ois gabs ka Morgn  trifft kann Oarmen – brauchts ned spoarn  Mir gebn Gas - bis in da Fria  Die Zech - vagisst da Bertl nia</p>	